

Na osnovu člana 5. Pravilnika o utvrđivanju Kriterija i načina izbora učenika generacije osnovne škole u Tuzlanskom kantonu („Službene novine Tuzlanskog kantona“, broj: 4/13), Nastavničko vijeće Javne ustanove Osnovna škola „Tojšići“ Tojšići, na sjednici održanoj dana 23.04.2026. godine, raspisuje:

OGLAS
za izbor učenika generacije školske 2025/2026. godine

Uslovi za proglašenje učenika generacije

Učenicom generacije završnog razreda osnovne škole može postati onaj kandidat koji ispunjava sljedeće uslove:

- a) da je u toku školovanja imao odličan uspjeh u svim razredima (minimalan prosjek općeg uspjeha u svakom razredu 4,8);
- b) da je u toku školovanja imao primjerno vladanje;
- c) da je u toku školovanja imao zapažene rezultate u slobodnim aktivnostima, takmičenjima, smotrama i drugim vannastavnim aktivnostima.

Rezultati koji se vrednuju za izbor učenika generacije

Prilikom vrednovanja za izbor Učenika generacije u obzir se uzimaju rezultati u radu sekcija predviđenih Godišnjim programom rada u školi, takmičenja u znanju i stvaralaštvu iz pojedinih nastavnih predmeta i osvajanja nagrada na takmičenjima, učešće i osvajanje nagrada na konkursima likovnog, muzičkog, jezičkog i tehničkog stvaralaštva te sportskim aktivnostima provedenim u organizaciji matične škole, Pedagoškog zavoda Tuzla (u daljem tekstu: Pedagoški zavod), Ministarstva obrazovanja i nauke Tuzlanskog kantona (u daljem tekstu: Ministarstvo), te općinskih, kantonalnih, federalnih, državnih, i međunarodnih organizacija koje se bave pitanjem odgoja i obrazovanja.

U cilju jednoobraznog pristupa, Pedagoški zavod će svim osnovnim školama blagovremeno dostaviti spisak takmičenja koja će se vrednovati u skladu sa stavom (1) člana 3. Pravilnika o utvrđivanju Kriterija i načina izbora učenika generacije osnovne škole.

Za rezultate ostalih takmičenja, koja nisu jedinstvena za sve škole na Tuzlanskom kantonu, tumačenje o samom takmičenju na zahtjev škole daje Pedagoški zavod.

Elementi za vrednovanje

Elementi koji se vrednuju pri rangiranju kandidata za izbor učenika generacije su:

- a) uspjeh u učenju i vladanju u toku osnovnog školovanja
- b) aktivnosti i doprinosi u radu sekcija škole,
- c) uspjeh na takmičenjima u znanju iz pojedinih nastavnih predmeta, na konkursima, revijama, smotrama, izložbama i sportskim takmičenjima,
- d) rukovođenje odjeljenskom zajednicom,
- e) rezultati postignuti u vannastavnim aktivnostima,
- f) vanškolske aktivnosti, volontiranje (sportske, kulturne, društvene, humanitarne aktivnosti, te rad u nevladinim organizacijama)
- g) kursevi informatike, stranih jezika i slično,
- h) završena paralelna škola.

Oglas za izbor učenika generacije školske 2025/2026. godine objavljuje se na oglasnoj tabli škole i traje sedam dana od dana objavljivanja.

Prijave na Oglas sa popunjenom prijavom za izbor Učenika generacije (preuzimaju se kod sekretara škole), potrebnom dokumentacijom i biografijom predaju se sekretaru škole od 23.04.2026. godine do 05.05.2026. godine.

Tojšići, 23.04.2026. godine
Djelovodni broj: 05-521/26

DIREKTOR ŠKOLE
Dukić Nijaz